

海國公餘輯錄

黃遵憲署檢

襟簪埒

海國公餘輯錄

黃遵憲署檢

禱
著
均

海國公餘輯錄卷六

嘉應張煜南榕軒輯

弟鴻南耀軒校

海國咏事詩

目錄

東洋二國

日本

琉球

南洋濱海各國

安南

暹羅

緬甸

南洋各島

呂宋

西里百

婆羅洲

噶羅巴

哨叻

蘇門答臘

五印度及西域回部諸國

東印度

中印度

南印度

西印度

北印度

西域各回部

歐羅巴各國

歐羅巴總

俄羅斯

瑞典

噠馬

奧地利亞

普魯士

日耳曼

瑞士

土耳其

希臘

意大利亞

荷蘭

比利時

法蘭西

西班牙

葡萄牙

英吉利

阿非利加各國

阿非利加北土

阿非利加中土

阿非利加東土

阿非利加西土

阿非利加南土

阿非利加羣島

亞墨利加各國

北亞墨利加米利堅合眾國

北亞墨利加英吉利屬部

南北亞墨利加各國

南北亞墨利加羣島

海國公餘輯錄卷六

嘉應張煜南榕軒輯

弟鴻南耀軒校

海國咏事詩

并序

昔尤西堂先生著外國竹枝詞百首膾炙人口然僅
跼蹐一隅未嘗合五洲萬國以爲言也茲篇選材不
出瀛環全卷間參海國諸書披覽所及歌咏隨之雖
故實徵求不無增益然挂一漏萬有識爲譏吾猶不
憚爲之者亦以乘槎萬里托興諸篇聊吐奇氣於胸
中非徒騁游觀於海外也

海國總

浪迹浮生一粟孤周游瀛島與蓬壺試看海外神州九益地
還多未獻圖

海國公餘輯錄

卷六

海國咏事詩

一

海國公餘輯錄

卷六

海國咏事詩

一

輶軒竊欲效觀風不出瀛環志略中一樣著書費心力魏公
端不讓徐公

閱盡南洋各埠頭欲徵故實費搜求此行喜至地中海再與
西人話地毯

客子光陰歲屢移游踪到處愛搜奇異邦風物憑誰記收拾
行囊一卷詩

東洋二國

日本

宏開宮殿定朝儀仗列千官賀玉墀二月二旬親受拜誰如
神武闢東夷

二月二十相傳爲神
武紀元卽位之日

冶銅爲鏡似新磨對臉敷紅照翠娥一樣莊嚴留佛相依然

露坐在山坡

銅鏡一枚銅佛一尊
俱是神功皇后物

文窗人靜學塗鴉八法能諳學士家暇命奚僮勤灌溉瑤階
新種瑞香花

瑞香花
可造紙

歷盡神崎道路中撩人春色正蓬蓬花時爛漫濃於酒開遍
緋桃十里紅

神崎徧植桃
花約四五里

墨江三月發紅櫻人號花王費品評每到花開爭給假賞春
一半是公卿

櫻花東人稱爲花王三
月花時公卿告假以賞

烟火紅燒兩國橋嬉春爭賞上元宵爬龍又道逢端午人著

綃衣撥短橈

東京兩國橋烟火所萃之地
端午日又有爬龍舟故事

回環引入玉川流
綠水如油漲御構
鳧雁依人不驚怯
一羣飛上采菱舟

周濠引玉川水灌之
鳧雁成羣無敢弋者

皮駕紛陳寶器圖
古來遺物出泥塗
金蛇一紐文方寸
漢印猶存賜委奴

金印一蛇紐方寸
文曰漢委奴國王

盤飧適口問何如玉
板調羹尙筍蔬
別檢食單多異品
庖人新進馬鞭魚

馬鞭魚
出日本

女誠書今遍國中
閨房勸學一燈紅
繡針未便長拋卻
贏得

餘閒課婦功

曹大家女誡
亦有譯本

十三樣色嫁時衣黑白分明不敢違堪笑新人著新展出門
惘惘賦于歸

嫁女臨行易衣凡十
三色著新展入婿家

美髮低垂委地深挽成前後髻當心梳妝別有新時樣斜管
風流玳瑁簪

女多美髮前後
挽髻插玳瑁簪

栩栩如生貌逼真銀硝紙上鏡中身縹霞更有屏風漆光彩
熒熒影射人

髹漆之器最稱能品縹
霞綠漆尤光彩射人

左右偕行駕六騶時逢佳節作清游拓開眼界全與在攬勝

海國公餘輯錄

卷六 海國咏事詩

三

來登第一樓

第一樓在山頂
西京最高處也

支持殘局矢孤忠一旅勤王殉血紅士女也知欽節烈聞名
無不識楠公

楠正臣仗義赴
國難兵敗身殉

天然畫入小西湖十里公園跡未蕪預約同心三五輩明朝
親去擷芙蕖

公園側有湖廣數
十畝名曰小西湖

欲消清晝寄閒情百戰河山一局枰擬向朝霞臺上去子看
冷暖玉分明

日本王子來朝言國東有朝霞臺
臺上有手譚池以冷暖玉爲碁子

賣茶客集市隨開價定牙郎日幾回近日綠湯味尤美百箱

先購美人來

賣茶有牙郎近日山城國所產
綠湯最佳米利堅人喜購之

夾道松篁翠上軒
引人入勝御花園
泠泠覓得流泉處
知是聲從石罅喧

宮中有御花園水從石
罅瀉入名曰青龍瀑

鎮日流觀大地興
誰如風土繼高書
奇奇怪怪徵方物
三趾烏兼四足魚

海鳥三趾黑魚四足皆不經見之
物又侯繼高著日本風土記

海錯登盤半昧名
飽餐黃白酒初行
如何匕箸臨時設
待取奚奴手削成

俗移於味黃白雜陳不設匕箸
臨食待奴取小材者削成札人置一雙

觀優每喜到芝居
子弟登場曳舞裾
手把琴絃徐自按
猗蘭

海國公餘輯錄

卷六

海國咏事詩

四

遺譜識隋初

俗喜觀優場屋名曰芝居 又其國重三絃琴隋代遺譜尙有識者

世易風移代變遷鐵錢使後又銅錢近來鑄得新模式龍鳳

雙飛銀一圓

銀描畫龍鳳中有明治通寶字

仙人宮闕本虛無風引舟回事卻誣止有東西兩京地至今

猶自拓鴻圖

史言海上仙人宮闕風引不得至皆燕齊方士托言也

琉球

首里王居在半山大夫金紫耀華班守官所轄無多地清俸

惟聞粟米頒

王居首里國與中國同文官之最尊者爲金紫大夫歲惟俸米百石

誰似中山種菊花重陽佳節放官衙書成竹簡徵名雅開徧
朝霞復晚霞

朝霞晚霞
皆菊花名

城郭憑依鐵板沙就中景物亦堪誇陽回十月春先到桃李
沿村已作花

天時和暖十
月桃李已花

閒看夷戲上階除公子多情響佩琚襪著紅羅衣錦繡問年
多是十三餘

演戲者多是
貴家公子

短笛三絃小鼓鑼雛童齊唱太平歌宵來烟爆門前放數十
人騎紙馬過

每值元宵爆竹滿街
小童騎紙馬游耍

人居那霸實堪嗟
頓頓都聞食地瓜
水利未興農事曠
一生米不見桃花

此地產米極少
以地瓜爲食

遠遊來學赴京師
荒陋誰云僻在夷
一札瑤箋工贈答
貴家子弟也能詩

琉球遺貴家子
弟入大學讀書

森森竹木大崎饒
驛路兼通海國遙
此去卻金亭下過
有人清節著前朝

大崎一島
竹木獨富

封章五度錫麟洲
拜敕香飄玉殿頭
排列盛筵宴天使
笙簫迭奏聽濤樓

聽濤樓極華麗是
彼國宴使臣處

南洋濱海各國

安南

如墨疑通黑水源
富良江上浪花翻
經冬天氣無霜雪
十月青梅尙滿村

富良江發源最長

天開文教闢交州
士燮南來學校修
試賦試詩兼試論
取人闡總設春秋

吳士燮在交州作牧交人始知文字取士用策論

制仍唐宋舊衣冠
短榻平鋪坐貴官
獨怪縫中捫小蟲
解衣磅礴任人看

衣冠仍唐宋之制坐則席地貴人乃施短榻或解衣捫蝨恬不爲怪

多藏銅鼓富豪誇
手把銀釵一一撾
云是漢朝諸葛物
不妨